



**PARTODING NI IBADAH PARNINGOTAN
ARI HAHEHEON NI TUHAN JESUS KRISTUS**

dohot

PURNA BAKTI: St T.M D. Br SITUMORANG

HKBP KERTANEGARA RESORT JAWA TENGAH

DISTRIK XVIII JABARTENGGDIY

Minggu, 04 April 2021



01. Marende: 96 : 1-2 “Nunga Talu Hamatean”

Nunga talu hamatean Dibaen Tuhan Jesus i; Ai na hehe do Ibana, Songon na nidokNa i,

Reff : Haleluya, haleluya, nunga hehe Jesus i. Haleluya, haleluya, nunga hehe Jesus i

Ia angka boruboru lao do tu tanoman i. Nandang disi be Tuhan Jesus nunga hehe sian i. Reff: Haleluya ...

U : Hamu angka dongan sahaporseaon di bagasan Tuhan Jesus Kristus, sadarion marlas ni roha do hita ala nunga ditaluhon Jesus Kristus huaso ni hamatean i. Nunga hehe Kristus.

H : Tutu, nunga hehe Kristus.

U : Selamat Paskah ma di hamu.

H : Selamat Paskah ma nang di hamu.

U : Di Pesta Paskah na gok las ni roha on, ditotophon HKBP do gabe Pesta Parheheon ni Kategorial Parompuan HKBP.

Ina : Las ma rohanta, hita angka parompuan ni HKBP ala dipapatar Jesus tu hita haheonNa i.

U : Di bagasan las ni roha, tapangiar ma soaranta mangendehon naung hehe Jesus sian hamatean mangungkap dalam di angka na porsea tu hangoluan salelenglelengna, marende ma hita.

02. Marende BE 91 : 1+3 “Hatuaon On Do”

Hatuaon do, las ni roha do, hangongot ni Tuhanta i. Mago do hita, ngot ma Tuhanta. Las be, las be ma rohanta i! Mago do hita, ngot ma Tuhanta. Las be, las be ma rohanta i!

Hatuaon do, las ni roha do, hangongot ni Tuhanta i. Monang do Jesus, talu sibolis, las be, las be ma rohanta i. Monang do Jesus, talu sibolis, las be, las be ma rohanta i.

03. INVOCATIO – INTORITUS – TANGIANG

U : Marhitehite Goar ni Debata Ama dohot Goar ni AnakNa Tuhan Jesus Kristus dohot Goar ni Tondi Parbadia, na tumompa langit dohot tano on.

H : Amen

U : Nunga hehe Tuhan i, nunga tutu hehe Ibana. Ari on do na jinadihon ni Jahowa, marolopolop jala marlas ni roha ma hita disi. Batu naung binolongkon ni angka pande bagas, i ma jadi batu parsuhi Sian Jahowa do i masa, halongangan do i anggo di matanta. Haleluya !

H : Haleluya, haleluya, haleluya.

U : Martangiang ma hita : Ale Tuhan Jesus, Tuhannami! Na mandok mauliate do hami tu Ho, ala ditaluhon Ho do dosa dohot hamatean marhitehite hamamateMi, ala disondangi Ho tanomannami, asa marpangkirimon na mangolu hami ala ni haheheonMi. Nandang pola be mabiar hami mida hamatean, ai Ho do Ulunami, ruasMu do hami. Dipaunsat Ho do hami sian haholomon tu hatiuron, sian hamatean tu hangoluan. Antong pargogoi ma hami mamuji dohot mangoloi Ho ariari, Pasangaphon Ho di bagasan haporseaon na mangolu, paima sahat hami tu lambungMu. Amen. *(Hundul)*

04. Marende BE. 627 : 1+4 “Jesus Naung Hehe”

Jesus naung hehe haleluya/ puji endehon haleluya. Hamonangan ni Tuhanta i, na manaluhon sibolis i. Las ma roham puji ma Debatam, ala naung talu hamatean i, sesa dosanta haleluya, mangolu Jesus haleluya Tabaritahon Tuhanta i, na hehe jala mangolui, singkop do panghophopNa i, di hita jolma pardosa i. Ref: Las....

05. PATIK NI DEBATA

U : Patik ni Debata di Pesta Parningotan ari Haheheon ni Jesus Kristus, sadarion i ma tarsurat di Kolosse 3:1-4, “Asa molo naung rap hamu dipahehe dohot Kristus, jalahi hamu ma angka na di ginjang; ai disi do Kristus, hundul di siamun ni Debata. Angka na di ginjang i ma

parrohahon hamu, unang ma angka na di tano on! Ai nunga mate hamu, jala buni do ngolumuna raphon Kristus di bagasan Debata. Alai ia dung gabe patar sogot Kristus, hangoluanta i, disi ma gabe patar nang hamu raphon Ibana di bagasan hasangapon. Antong, bunu hamu ma ruasmuna, angka na di tano on: parmmainanon, hahodaron, riting ni roha, hisaphisap na roa, ro di pangahution, i ma pardebataon na leban.” Antong rap mangido gogo ma hita sian Tuhan Debata!

U + H : Ale Tuhan Debata sai pargogoi ma hami mangulahon na hombar tu PatikMi, amen.

06. Marende BE 172 : 1-2 “O Jesus Panondang”

O Jesus panondang di portibi on mula ni na torang tangi hatangkon. Sai asi rohaMu di pardosa on Ho ma mangapuli au na marsak on

(jongjong)

Sesa ma dosangu Ale Tuhanki ala ni mudarMu nanilehonMi. Asal ma rohangku salelengna i. Ingot di hansitMu dohot mudarMi

07. MANOPOTI DOSA

U: Hamu angka dongan na hinaholongan ni Tuhan Jesus Kristus. Sian bortian ni dainang nunga mardosa hita jala sahat tu nuaeng pe jotjot do taarsahi Debata marhite hata, pambahenan dohot pingkiranta na maralo tu lomo ni roha ni Debata. Alanii, tapaunduk ma rohanta marsinggang tu adopan ni Debata laho manopoti dosanta na godang I, martangiang ma hita: Ale Tuhan Debata, Amanami Parasiroha na sumurung jala pardengganbasa. Na ro do hami nuaeng tu joloM mangarsakhon dosa dohot pangalaosionnami. Jotjot do hulaosi hami patikMu na mambahen jut rohaM marnida hami jala ndang huhaholongi hami Ho sian nasa rohanami dohot sian nasa gogonami dohot sian nasa ateatenami dohot sian nasa pingkirannami.

H: Ale Tuhan. Dhirim Ho do sian hami asa manghaholongi dongannami doshon dirinami. Hape, ndang huhaholongi hami dongannami doshon dirinami, baliksa tahe jotjot do hubahen hami sogo ni roha ni dongannami marhite hata dohot pambahenannami.

U: Ale Tuhan Jahowa, di na hubolus hami ariari ni ngolunami di portibion, huadopi hami angka hamaolon dohot parungkilon. Jotjot do hami ndang marhaposan tu Ho, holan gogo dohot pingkirannami do na hupangasahon hami. Gabe jotjot ma hami madabu tu pandelea, ngolu na bobonosan, ngolu na tahutan ala so Ho hubahen hami haporusan dohot partanobatoan ni ngolunami.

Ina : Ale Tuhan Jahowa, diigil Ho do sian hami asa gabe ina na pantas marroha. Hape di parngoluonnami siganup ari ndang marsitutu hami manghangoluhon i. Jotjot do hami lemba mangajarhon hataM di tongatonga ni keluarganami.

U : Ale Tuhan. Disuru Ho do hami patundukhon dohot mangajari angka na tinompaMi. Hape ndang huulahon hami parsuruonMi hombar tu lomo ni rohaM alai hombar tu lomo ni rohanami do laho pasombuhon hagirot ni dagingnami. Nandang hujaga jala huramoti hami angka na tinompaMi baliksa tahe husegai hami do hinauli ni natinompMi. Ale Tuhan, lehon ma tu hami tondiM na badia i, asa unang ganggu rohanami di asi ni rohaM, alai asa hot rohanami marhaporseaon laho manggotaphon nasa dosa dohot roha portibion, asa hupasahat hami dirinami tu Ho, gabe pelean na mangolu jala na badia marhitehite Tuhan Jesus Kristus Tuhannami. Amen.

H : BE 683 : 2+3 “Di AdopanMu Jesus”

Di adopanMu Jesus, marsomba au huhut tungki. Lao manopoti dosangki, di adopanMu Jesus

U : Tabege ma hata bagabaga ni Debata taringot tu hasesaan ni angka dosanta: Parasi roha jala pardengganbasa do Jahowa, lambat tarrimas jala parasi roha godang. Nandang dibahen tu hita hombar tu angka dosanta, jala ndang dibaloshon tu hita hombar tu angka hajahatonta. Ai songon dao ni langit sian tano on do gogo ni asi ni rohana di angka na mangkabiari Ibana. Songon dao ni habinsaran sian hasundutan dipadao Ibana sian hita angka pangalaosiontai. Songon asi ni amaama tu angka anakna asi ni roha ni Jahowa di angka na manghabari Ibana. Hasangapon ma di Debata na di ginjang, Amen.

08. Marende BE 94 : 1+3 “Ale Tondingki, Naung”

Ale tondingku, naung hehe Tuhanmu, nunga ditaban do banua toru, Las ma roham, ai martua ma ho. / ::;Rap dohot Jesus mangolu ma ho::;

Tahaburjuhon mangalo dosanta. Jala tabaen Tuhan Jesus donganta.

Pos ma rohanta di Tuhanta i. / ::; PamonangonNa do hita sude ::;

09. HATA NI DEBATA

U : Hata ni Debata turpu di Ari Parningotan Haheheon ni Tuhanta Jesus Kristus, I ma na tarsurat di Johanes 20:1-10 (dijaha holan paragenda....). I do sahatna. Martua ma do angka na tumangihon Hata ni Debata jala naumpeopsa. Amen.

10. Marende BE 633 : 1+3 “Nunga Hehe Kristus I”

Nunga hehe Kristus i, haleluya. Sian hamatean i, haleluya. Parlangitan jouhon ma, haleluya. Tano on alusi ma, haleluya.

Tartaban naroko i, haleluya. Dibaen Tuhan Jesus i. Nunga mungkap surgo i, haleluya. Di na tinobusNa i, haleluya

11. MANGHATINDANGKON HAPORSEON

U: Tahatindanghon ma Haporseaonta I, songon na hinatindanghon dongan sahaporseaon di sandok portibi on, rap ma hita mandok holan ponggol paduahon.

U+H: “Ahu porsea di Jesus Kristus

U: Dia do lapatan ni i?

H: Na diparhatutu rohangku do Anak ni Debata situtu Jesus Kristus, na tinubuhon ni AmaNa di narobi ni narobi jala jolma situtu do Ibana ditubuhon si Maria andorang so habubuhan, I do Tuhanku na humophop ahu jala na manghamonanghon. Dipalua do ahu sian hamagoan, ahu na hona toru dohot sian dosa dohot sian hamatean dohot sian gomgomon ni sibolis i, ndada sere manang perak dibahen, tung mudarNa do na arga jala na badia dohot habebernit ni sian ni bagi na tinaonNa i dohot hamtean na so sian salaNa, asa Ibana nampuna ahu jala asa tigor rohangku jala bontor jala sonang mangoloi Ibana salelenglelengna di gomgomonNa; asa songon Ibana ahu na hehe

sian hamtean, na mangolu jala manggomgomi salelenglelngna. I ma na tutu situtu.

12. TINGTING

13. Marende BE 626:1 “Holom Tanoman i”

Holom tanomani, peak Tuhanta, tompu manogot i mansai torang.

Ref: Monang do Tuhanta i, nunga talu hamataean i, nunga talu sibolis pangagoi, dipatunduk salelenglelngna i monang do, Tuhan i, nunga hehe Kristus i.

14. JAMITA : MARKUS 16 : 9-18

15. Marende BE 635 : 1 “Ro Tuhan Jesus”

(Pelean)

Ro Tuhan Jesus, Anak sasada/ parasi roha parholong i/ mate Ibana humophop hita/ rumar tanoman i, ai hehe Jesus i/ Ref: Ala hehe Jesus, ro do ari sogot/ mangolu au ndang mabiar au/ huboto do sonang au raphon Jesus/ sonang ma au ala naung hehe Jesus i.

Diparaloan au donganNa/ pos do rohangku di ngolungki/pamonangonNa au anakhonNa/ ala naung monang jala hehe Tuhanki/ Ref: Ala hehe Jesus...

Molo marujung muse ngolungku/ mansohot do nang sitaononki/ ai nunga talu banua toru/ ditomu Jesus au na tinobusNa i/ Ref: Ala hehe Jesus...

16. ACARA PURNA BAKTI: St T.M.D. br Situmorang.

Lahir : Medan, 26 Maret 1956

Menerima Tahbisan : Minggu, 17 Januari 1999

Pensiun : Minggu, 04 April 2021

1. Marende 221 : 1-2 “Saleleng Jesuski”

(Tingki marende ayat 2, ro tu jolo mangadop Pdt)

2. Manjaha SK Pensiun: (Sekretaris Huria)

3. Boaboa Pensiun dohot tangiang paborhathon:

Hamu angka dongan na pungu nuaeng di bagas joro ni Tuhanta on Taida do nuaeng jongjong di tongatonganta, ima inanta: St Tetty Melliana Duma br Situmorang rap dohot keluarga. Nunga digohi tingki pangulaonnasida di Hurianta on. Na mansohot ma nasida nuaeng sian ulaon Sintua di Huria. Alani, tama do pasahathonta

hamauliateon ni rohanta tu Tuhan Jesus Kristus Raja ni Huria i naung mandongani jala margogoihon huhut patauhon nasida laho mangulahon Tohonan na sahat tu nasida saleleng on. Angkup ni, une do pasahathonta mauliate nang tu nasida naung manghalojahon jala mangkaronsothon mangulahon Tohonan nasida di tongatonga ni Hurianta on. Alani, paborhathonta ma nasida nuaeng laho pensiun.

Hamu dongannami, Parhalado: Inang St Tetty Melliana Duma br Situmorang

Hombar tu Aturan dohot Paraturan ni HKBP, nunga digohi hamu panjouon na sahat tu hamu marhobas di Hurianta. Na mandok mauliate do Huria on tu Tuhanta na patauhon hamu marhobas hombar tu Tohonan na sahat tu hamu. Nunga digohi hamu pangoloion di na manjalo Tohonan i. Dipasahat hamu do pinangido ni Hata ni Tuhanta na mandok: **Sahat Ula Tohonanmi.**

Na tama do hamauliateon ni Hurianta nang siala pangulaonmuna na saleleng on di jolo ni Tuhanta, anggiat marparbue na hinobasanmuna, gabe pelean na hushus jala mamboan pasupasu tu hagaganda ni na porsea dohot hatotogu ni haporseaon di angka na hinobasanmuna.

Alani, jongjong ma hita sahuriaon martangiang tu Tuhanta:

Ale Tuhan Debata, Amanami na gok asi dohot holong ni roha na so tardodo i. Mangasahon holong ni rohaMi, ro do hami pasahathon hamauliateon ni rohanami siala pangurupionMu di naposoMon saleleng

diparar Ho marhobas di HuriaMi. Nunga sahat diula ulaon Tohonan na pinashatMi. Sai bahen ma ramos parbue ni panghobasion nasida na saleleng on. Patogu haporseaon nang panghirimon ni ruas ni HuriaM tu hangoluan na salelelelelengna. Nang naposoMon pe naung marhobas na saleleng on, jala mamungka sadarion Pensiun ma sian ulaon i. Sai ramoti ma, tung pe marujung pangulaonnasida di ulaon ha-Sintua-on. Sai ramoti jala patogu ma pos ni rohanisada tu Ho. Palas ma rohanasida tongtong, pahipas ma pamatangna lao mandai hinauli ni tingki Pensiun, songon jolma na marpanghilalaan, marroha jala na martondi hombar tu lomo ni rohaM. Togutogu jala ramoti ma nasida di

angka ariari ni hatuatuanna, asa tongtong manaili tu Ho, ai sian Ho do haroroan ni hadameon, las dohot sonang ni roha di bagasan Tondi Parbadia. Pasupasu ma nang keluarga dohot sisolhot nasida, asa rap mangolophon jala manghamauliatehon pasupasu na jinalonasida sian Ho. Angkup ni i, marpamuati ma rohaM ni nasa hagaleon dohot hahurangan ni dongannami on di nasa pangulaon dohot panghobasionnasida. Sesai ma i ala holong ni rohaM. Pinuji ma Ho, ale Tuhan Jesus Kristus ro di saleleng ni lelengna, Amen. (Hundul ma ruas)

4. Marende 699 : 1 “Singkop do Asi ni RohaM”

5. Paborhathon:

(Jalargon ni na pasahathon borhatborhat ma na Pensiuon)

Ale naposo ni Debata, Inang St Ny Sihotang / Tetty Melliana Duma br Situmorang, mardongan pos ni roha di Debata Ama dohot AnakNa Tuhan Jesus Kristus dohot Tondi Parbadia, hupaborhat hami ma hamu laho pensiuon.

“Dipasupasu Tuhanta Jesus Raja ni Huria i ma panghobasionmuna na saleleng on, jala diramoti hamu di angka ariari ni ngolumuna jala diparrohahi hamu mandai hinauli ni tingki pensiuon di angka ariari sidalananmuna dope tu tingki na ro, Amen”.

6. Marende 227 : 1 “Jesus Ngolu Ni”

7. Mandok Hata/Pasahathon Cendera Mata:

- Utusan Huria
- Utusan Parhalado/Resort

8. Mangampu / Panindangion Sintua na Pensiuon

9. Marende 755 : 1 “Haposan Ho Tuhan”

17. PARSURUON

U : Hamu angka dongan sahaporseaon. Hata ni Debata di 1 Korintus 15 : 55 mandok :”Jo hamatean, didia hamonanganmi? Jo hamatean, didia soropmi?” Haheheon ni Jesus patuduhon na Debata situtu do Ibana jala na ditoru ni huasoNa do hamatean i. Nandang tartiopian ni

hamatean i Jesus, dipatunduk Ibana do hamatean i marhitehite na hehe Ibana sian na mate.

H : Tadok ma mauliate tu Debata, na mangalehon di hita hamonangan maralohon dosa dohot hamatean marhitehite hahehon ni Jesus Kristus sian na mate.

U : Hahehon ni Jesus patuduhon tu hita na tutu situtu do na hinatahonNa. Ai nunga di hatahon Ibana hian taringot tu hahehonNa i andorang so tarsilang jala mate di hau pinarsilang Ibana. Hahehon ni Jesus pasingkophon tu hita bagabaga ni Debata taringot tu hangoluan sisaleleng ni lelengna.

Ina : Tadok ma mauliate tu Debata, naung mangungkap di hita dalan tu hangoluan salelenglelengna marhitehite hahehon ni Jesus Kristus sian na mate.

H : BE. 669:1 “Ringgas Au Paboahon”

Ringgas au paboahon, barita na uli. /Barita haholongon ni Jesus Tuhanki / Ringgas au paboahon ai na sintong do i. / Mambuat nasa holso soada tudos ni i / Reff: Ringgas au paboahon, barita na ummuli / Barita haholongon ni Jesus Tuhanki

18. TANGIANG PANUTUP

- Tangiang Pelean
 - Tangiang Paska
 - Tangiang Ale Amanami
 - Pasupasu
-

Praeses
HKBP Distrik XVIII Jabartengdiy,
Parhobas Distrik,
dohot
Sude Pangula Na Gok Tingki
HKBP Distrik XVIII Jabartengdiy
Pasahathon

TABE & SELAMAT PASKAH

Tu

Sude Parhalado

dohot Ruas ni HKBP Sa-Distrik XVIII Jabartengdiy :

HKBP Ressort

**Bandung Riau Martadinata, Jawa Tengah, Bandung Timur,
Cimahi, Purwakarta, Yogyakarta, Bandung Barat, Pekalongan, Cilacap,
Cirebon, Cimahi Jln Sisingamangaraja, Brebes, Karawang, Tasikmalaya,
Bandung Tengah, Semarang, Subang, Solo, Cikampek, Persiapan Resort**

Betesda Baleendah.

Shalom.

